


CHINESE JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
NOV 22 1932

~~5421/83~~

T 5403/83









太師誠意伯劉文成公集卷之十

哈佛大學漢和  
圖書館珍藏印

芝田令新陽後學萬

里續梓

孫標男宗

嬭編

四言古詩

有泉在山一首

有泉在山爰注爲壑膏火自煎一室之燭蔚彼茂林有檀有  
松有梓有桐可以爲車可以爲宮 有泉在山爰注爲淵膏  
火之燭維以自煎蔚彼茂林有梓有械有栲有櫟可以爲薪  
可以爲杙

東園之柳

東園之柳萋其黃矣瞻彼白日煥其陽矣瞻瞻懷思曷其長



東園之柳萋其青矣瞻彼白日煥其明矣瞻瞻懷思苟  
其平矣東園之柳冉冉其華悠悠行人玄髮卒華瞻彼白  
日維懷永嗟黃鶯于飛啾啾其音惻惻行人悠悠其心靡  
彼白日維懷永吟

維澤有蒲一首

維澤有蒲爲陳生思禮作也陳生生七歲而父沒母石氏  
教育之訖成人而母又沒生哀痛不能勝輒發狂欲自盡  
者四五家人守救之獲免翰林學士金華宋先生爲敘其  
事予聞而深悼焉因賦詩代言其情雖不足以附蓼莪之  
意亦聊以見天理之在人心昭昭乎不泯也嗚呼悲夫

維澤有蒲其葉蕭蕭無父母言我獨孤旻天不矜鮮民卒  
痛我罪實詩父母何辜人有父母如日如月照之照之弗  
言也人有父母如之如黃覆之載之不遇有傷防彼崇  
丘言采其葛望父不見憂心如割陟彼重阜于以望母不見  
言兮憂心如炙相彼虎雌亦各有從矧伊人矣罹此鞠凶  
嗚呼中林爰有哺烏恫我八斯云何其瘳父兮見兒孩笑  
嗚呼晨興未炊早念其飢母兮見兒孩笑歡歡草蟲宵鳴早  
念其寒既髻旣髮綵衣有萎父攜母將如琬如琰出則睹  
之入則撫之行有阻抗式趨負之中園有橘離離其實人  
無父母曷其有卒中園有梨其實離離人無父母生也何爲



川水東流蒼天悠悠惘我鮮民不知其尤空山冥冥離禽  
夜鳴惘我鮮民曷爲其生

雞鳴一首贈宗文姪

雞鳴朝暉草露未晞巢鳥于飛 雞鳴夕陰草露淋漓鳥歸  
于林 雞鳴匪司時鳥舉匪有期氓之蚩蚩蓋亦何思 朝  
露白如玉我不敢躅恐濕我足夕露光如珠我不敢踰恐濕  
我裾 誰謂河弗廣可航可蕩風波無期不如勿往 誰謂  
林弗幽可遊可游豺虎無虞不如勿由 中田有禾園有樹  
麻發石有泉可以爲家 中田有麥園有樹核采山有蔬可  
以爲宅

送季德大之文登稅務官任

有客有客駕言遠行天路修廣鴻鴈冥冥淒風吹衣白日滯  
庭有酒在樽可以怡情云何不飲使我心悵歌以侑之百祿  
具并

芄芄者麥在彼原隰悠悠行人既舟旣楫海邦孔遐雲霧厭  
池勿謂政難克敬則立勿謂俗殊克誠則輯贈言不多聖企  
斯及

有栢一章爲吳太常作

太常從善七世祖諱安國宣和中以  
少卿使金被拘七年不屈節見宋史

有栢有栢霜露漑之栢葉不萎霜露何其 有栢有栢維葉  
冥冥歲暮堅冰不渝其貞莽彼北林維榛維棘玄雲四湧白



日晝階 有狼有狐有鴟有烏長彘雕肝運腦飯膚 有颯  
其風鼈攫于溟五精相礮江河倒行 蛭矯于雲龍靡于沙  
哀此下民亦孔之嗟 赤堇之金鑄爲干將不刺犀兕孰知  
其良 沙棠之舟泛于廣津不選陽侯孰知其神 跋彼周  
有君子蹟之猗彼萊竹君子植之顯允君子邦家之紀克崇  
五慶施于孫子 巖巖君子穆穆其猶載其令德貽厥孫謀

黃華一首送葉師仁省兄還栢蒼

號彼黃化有燁其輝驪駒在路送子于歸 蔚彼柔桑猗其  
條矣心之怡矣維其遼矣 翩翩者鷗亦習其羽悠悠者途  
孔修且阻 執子之手酌子以酒言念言懷勞心如糾 子

有兄弟維曾維臆嗟我之懷曷云能極瞻彼崇阿維雲茫茫  
之于之往多我慨傷鴻鴈于征載號載飛兄弟之遠胡寧不  
悲 山川遐邈日月逾邁送子于歸俾我心瘳

春夜一首

春夜迢迢微風不興六合無氛銀河欲冰月流素波星回玉  
池孤坐不寐憂思相仍壯年已謝昔非莫懲如彼老馬心念  
起騰道路崎嶇勸不可能俯撥紅爐仰剔青燈欲與晤語誰  
共我應

青陽一首

青陽傲載白日孔昭草生于野華發于條隨氣成形或藥或



翹瞻瞻典懷中心飄搖麥有雉雉藻有魚跳嚶鳴在樹磬管  
簫韶駕言出游以猶以陶鑄不可暑穉不可天自非松柏不  
能後彫來者弗畏往者其消

春日一首送吳浩叔大之饒州府通判任

春日載陽鳥鳴于桑與子爲別思心洋洋 人生幾何憂念  
苦多仰睇浮雲俯觀逝波 有殺在邊有酒在觴無日不暇  
物鮮意長 翩翩者鸚飛鳴及天企賢則善企聖斯賢 古  
人有言立事維勤克敬勿懈何適不臻古人有言顧畏民器  
綫濡摧山患生不監 駕彼四牡言涉太行羊腸不似微在  
康莊 感以情生憂山愛甚有酒在尊云何不飲 春日熙

熙芳草菲菲與子爲別胡寧不悲 歡言悅耳是謂疾疾君  
子虞之如矢如刃 忠言諤諤是謂藥石君子好之如金如  
璧 相彼川水孔淵其澄風以撓之黃濁山騰 有蘭有蘭  
在彼幽岫無日不顯其芳維遠 春日遲遲鳥鳴啾啾與子  
爲別胡寧不懷

條風一首

正月載陽二月條風纈彼郊原載青載紅維麥奉奉維桑荒  
芄蒼庚戾止有皖其容 二月條風吹彼平林翹翹維英如  
蓋如綬維麥離離維桑陰陰倉庚戾止啾啾其音 三月鳴  
鳩爰拂其羽玄鳥于翔載庭載宇有漂者萍亦被于渚瞻瞻



懷人繁念斯聚 維淵有魚悠悠其逝維隰有葦其葉泝泝  
矐矐懷人心焉如察瞻言則惟倦言則睟 維麥維離宜其  
食矣維桑陰陰將其撼矣翮彼鷓鳩如笙如簧潯雉于維緇  
衣錦章 殷殷其雷霏霏其雨矐矐懷人曷其有與霏霏其  
雨殷殷其雷于以永言于以寫懷

題蘭雀圖

有雀有雀亦集于棘無啄我蘭空林多風霜露其溥婉彼孤  
芳克貞以完無俾荒蕪以永歲寒有雀有雀亦集于棘無啄  
我蕙空林多風雨雪有曉婉彼孤芳克貞弗替無彼荒蕪以  
永終歲

秋懷八首

涼夜悠悠華燈有輝淒風動林明月在帷山川迢迢游子無  
衣瞻彼原隰零露澄澄靡草不凋無木不稀不覩逝波焉知  
昨非亭亭南山有蕨有薇黃華晚榮紫芝秋肥歲云莫矣胡  
寧不歸 陟彼高原望美中陵玄商夕振白露宵零蔚彼茂  
草化爲枯莖我有素琴玉軫朱繩彈爲陽春旭日滿庭愴恨  
興懷悲來填膺子期逝矣其誰汝聽

嚶嚶草蟲慄慄其股歲莫如何爾獨良苦瞻望日月綿綿我  
愁如彼逝矢一往不留嗟爾小子時不再得匪緝曷魚不藝  
胡稷蕭蕭草蟲烈烈其音歲莫何爲祗覺我心







言集  
中心如炙維此哲人秉心不回夙夜寢興二人是懷如彼驅  
蚤死生以借維彼愚人弗念厥紹利火中焚讒兵外挑豆羹  
不平干戈是搞溫溫恭人如桐如絲宮鳴角應羽振商隨翕  
翕雍雍融融怡怡我尊既陳我俎有踐言念兄弟中心弗殄  
敬慎威儀以謹燕婉有鳥有鳥喈喈其音拂彼叢薄揚于中  
林宜爾子孫式昭厥心

有鳥一首贈袁尚志

有鳥有鳥薄言繳之君子至止何以樂之有酒涓涓亦盈于  
觴明月照帷清風滿堂我酒既旨我儀有秩言念君子溫如  
其日有鳥有鳥載好其音君子之洽如瑟如琴有斐有翼有

勸有飭古訓是式大猷是力有粟者璧暇則磨之有紕者絲  
色以訛之如彼織維君子維經如彼鋒刃君子爲刃無爲夸  
毗無爲戚施伊我之儔亦予之瘼此令朋友交相爲助匪中  
式乎俾好作惡有酒在觴有琴在堂酌言鼓之心焉孔臧有  
鳥有鳥載剏載飛豈弟君子式昭令儀業不厭修學不厭多  
既酌以酒復相以歌

擢彼喬松一首

擢彼喬松在彼丘阿歲莫凄風飄爲枯柯憂來傷心云如之  
何瞻彼昊天曷其有宜天降滂德痛于下國稻粱黍稷暨于  
螟蟻不稼不穡寇攘以食哀此下民曷其有極心之憂矣如



言意集  
烹如煎炙亂靡底如淵如泉如彼奧草孔蔓以延嗚呼昊天  
伊誰之愆有尉者量曷施于宇胡醫于林覲彼魴鱖小人所  
憮君子所與弗詢弗猶曷其有愈君子不畏亂日以熾君子  
不憂亂日以悠正言諤諤諂言諾諾歡言孔怡喪亂所基邦  
家維車庶民維輿庶僚維服大臣維御慎爾驅馳俾驗作夷  
無然汶汶無俾車債無曰予知民各有思無曰予聖庶民孔  
競無競維德四方之則不爲回遁以縱枉隱瞻彼高原翳翳  
其雲眇彼大水浩矣無津嗷嗷飛鴈各念爾羣哀我人斯胡  
胥以淪莫高匪天莫明匪日何纖勿冒何昧勿晰維此聖人  
庶民是葵維彼愚人則各有謀原隰之瘁夫婦之聞巷之

呻君子聞之弗聞弗惟則各有思式謗式詈臍腸以離穀斯  
之秕農以爲殃匪鷹匪隼曷云能翔維天有滯不可以航瞻  
言顧之心焉惻傷相彼茂草飛鳥依之泝彼深淵魴鯉歸之  
靡依靡歸胡能勿悲我有隱憂人莫之知中途有棘庶民伐  
之執訊弗篤君子聖之不贖不聾孰填爾聰靡瞻靡顧目貽  
伊瞽如彼沸鼎無增爾薪無從爾言以逃遠人邇人營營遠  
人競競弗訛爾心曷其有懲嗟爾君子戒慎爾止靡謙不光  
靡盈不毀維山有杞維澤有芷庶民所履維君子使陟彼高  
原維風颺颺靡草不凋無木不剝曷來傷心如焚如抽瞻仰  
昊天曷其有瘳



五言古詩

感懷三十一首

雨夜坐中庭逍遙散煩襟素月出高雲清風來遠林仰觀河漢流俯聆鶡鴒吟佇立起長歌感歎一何深

驅車出門去四顧不見人迴風卷落葉颼颼帶沙塵平原曠千里莽莽盡荆榛繁華能幾何憔悴及茲辰所以芳桂枝不爭桃李春雲林耿幽獨霜雪空相親

誰云魯酒薄邯鄲被戈矛楚館困兩君乃爲馬與裘舉世共如此太息復何尤振衣箕山頂引領望許由終然不可見涕淚交膺流

古人盜天地利源不可窮今人盜農大歲莫山澤空紛紛九衢內連袖如長虹共笑沮溺鄙各事游冶雄悠悠方自此袞袞何時終

啾啾草間雀日隨黃鳥飛爭先赴稻梁寧顧野人機便善柔子懷利近相依但慕春莢好不見秋霜霏驅車逐走鹿中路忘所歸豈不愛其躬天命與心違古道今已矣感寤空涕歎

柔桑生中國婀娜當陽春下滋靈泉液上承膏露津美人望蠶月傾筐競明晨榮盛方及時采將一何頻枯根不盈拱何以禦霜辰復聞芻蕘子磨礪待爲薪其觀成感激躑躅含酸



辛

無恤得尹鐸晉陽以爲逋馮諷勸市養孟嘗能不危戰國有  
如此况乃商周時漢武任桑羊股剝盡膏脂向非輪臺詔持  
斧空繡衣悠悠復何道咄咄令人悲

伏枕候明發夢遊滄海中中有萬斛船蕩漾隨天風舵師兀  
坐眈環視立衆工波濤正洶湧欲往迷西京寤寐惕驚起魂  
魄猶忡忡

蘓秦佩六印賓從何縱橫當時機中婦倩笑遠相迎黃金生  
意氣驚蠅蝸見人情豈無簞瓢士今爲時所輕

種樹當中庭不識美與惡微陰未盈戶枝葉猶在弱一葉  
抵成延蔓蔽樓閣離披引刺蚝蒙昧喧鳥雀毀垣施斧斤得  
喪亦相若萬事不早謀日暮徒駭愕

東園多桃李擢幹何交加春秋互遞代衰榮競相夸槲槲去  
故物英英發新花花謝亦復作空令人歎嗟

翡翠翔江湖亡身爲毛羽不如道傍李尚得滋味苦驅車上  
太行還顧望梁甫高岡多烈風茂林化爲岵空餘澗底藤蒙  
籠蔓州雨

浮萍不依山女蘿不移根草木非有心天道更何言如何三  
春子罄折隨涼溫朝乘晉主車暮集韓魏門巧笑發容輝馳  
騁矜愚昏誰見陶彭澤桑麻滿田園



言  
上山采幽蘭盡日未盈手持贈故交人長喚不回首蘭花豈  
不芬故情豈不厚投之非所好良意翻成醜

峩峩蓬萊山渺渺大瀛水神仙有窟宅亦在玄黃裏大壑多  
驚風不辨龍與鯉吹沙乘波出洶若鯨鯢起陽侯貫深淵海  
苔汨泥滓馬銜恣饑食罔象潛譎詭誰能報王母弱水不可  
履羲和近虞淵日暮空已矣

亭亭山上木蔚蔚石底竹諒非懷隱憂胡爲自局促振衣陟  
崇岡高下眺原陸鳳凰棲枯枝稻粱肥鴈鶩春陽悅衆目風  
雨愁比屋人生各有情豈若麋與鹿

射干生曾崖不識寒澗陰池魚貫安流寧知江海深殷王相  
版築垂名耀來今後世重閭閻川野多呻吟

鰕魚湧姑射月暈滄海風鯨鯢吐高浪白日寒曠曠神仙下  
天闕左右翳玉虹金盤薦麟脯翠綦擁青童酣歌殷溟徼魚  
鼈相噏喙忽然乘雲去寥落寒江空

朝登會稽山逍遙望南訛禹穴已蕪沒禹功長不磨惆悵感  
往昔沉吟發新歌誰言專車骨冠弁高嵯峨爲虺且復爾爲  
蛇當奈何天門隔虎豹空悲涕滂沱

結髮事遠遊逍遙觀四方天地一何闊山川杳茫茫衆鳥各  
自飛喬木空蒼涼登高見萬里懷古使心傷佇立望浮雲安  
得凌風翔



芳樹生丹崖綠葉如雲烟上枝蔽光景下根蟠九泉朝涼聒  
衆鳥夕陰萃鳴蟬豈不盛容色及此陽春年西風吹白露點  
綴庭堦前繁華坐銷歇枝葉空相捐世情多反覆天道有推  
遷金屋擅嬌寵長門閉神仙獻賦亦已晚徒悲淚如泉  
我有綠綺琴其材出空桑金徽映玉軫音韻鏘琳琅上絃感  
薰風下弦來鳳凰世耳不欲聞子期今則亡願持獻重華路  
阻川無梁

孟軻去齊魏賈誼之長沙聖賢良已矣吾道空咨嗟徒言青  
松枝不如桃李花太息安陵子知時爲世誇

客有持六經翩翩西入秦衣冠獨異狀談舌空輪囷獻納竟  
何補焚坑禍誰因昂昂採芝士矯矯蹈海人龍驤九淵外豈  
復嘆獲麟

白璧闕頑礦淪晦同泥沙朽壤生夜光見者咸驚嗟君子分  
寂寞小人互矜誇枯瘁若秋蓬鮮豔如春華狂風忽簸蕩飄  
落歸誰家

大道散草澤呻吟在康衢蔓葛自纏繞蘭蕙日蕭疎雞鳴出  
門去薄暮還走趨進則蚊蟻萃退爲尖羣鳥君看拜塵友逸  
氣凌東都淒涼白首歎千載爲嗟吁

象以齒自伐馬以能受羈猛虎恃強力而不衛其皮世人任  
巧智天道善盈虧不見瑤臺死永爲天下嗤



詞意作文集  
槁葉寒撼撼羅帳秋風生淒淒候蟲鳴啾啾賓鴻驚美人抱  
瑤瑟仰視河漢明絲桐豈殊音古調非今聲沉思空幽寂歲  
月已徂征

晨登吳山上四望長嘆嗟借問胡嘆嗟狹路險且邪子胥竭  
忠諫抉目爲夫差宰嚭善逢迎越刃復相加守正累則多從  
人禍亦奢遭逢貴明良不爾俱泥沙

壺公下天闕聊以觀世紛賣藥汝南市時人俱不聞顧此非  
我徒飄然乘白雲方駕雙虬龍被服九霞文但見北邙阪名  
堯盡高墳

種苗甫田中其葉何離離上天降膏澤溥博無偏私人力苟  
不至不如茅與茨常恐嘉實晚坐傷零露滋徘徊感節序太  
息秋風時

詞意二十一首

凱風扇朱夏草木生清涼臥疾澹幽曠白日悠且長散帙觀  
古人喟焉想虞唐陽春能幾何陰氣多繁霜天道諒悠悠人  
理亦茫茫詠歌寄深情歌罷增慨慷

神樞幹元化循環運陰陽善惡隨氣異禍福竟何常朱均繼  
堯舜時事已捨攘至人妙轉移靈暉回晶光祥麟踏大野君  
子徒慨慷黃星照中原天道遂披猖汗漫千百年流潦浩浩滂  
滂否泰有傾覆霖雨見朝陽惜無風雨收乘時佐羲皇熙熙



返大樸濟濟垂衣裳鼎湖去不復歎息空哀傷

野馬不秦食疆受組與羈低頭衡軛下各自東西馳秦人任

法令斬艾尊君師六合始一家恩愛已乖離一旦山東客揭

竿以為旗叫呼驪山徙天下響應之素車拜軛道誰復為嗟

咨

周昌勇庭諍子房善奇謀王陵抗高議平勃終安劉經權兩

不廢道立知亦周煌煌東都士節義明清秋孰知讒佞巧舉

足觸戈矛顧此悲世運泣然涕交流

食毒偶不死謂言董可餐墮河偶不溺謂是天所完侈心不

自顧利欲紛多端百勝固一躓名滅軀體殘君子戒微幸小

人樂災患不見瑤與羽千載遺悲酸

燕昭志報復金臺求俊賢下齊如破竹大恥雪九泉六王死

灰人安可與比肩奈何驕氣盈妄想彼神仙安期不可致卽

墨火已然煌煌召公業委棄如浮烟

天狗吠梁野七雄扇妖氛吳徒二十萬剽若狼虎羣鼓行破

棘壁長驅似輕雲漢將三十六朱旗耀天垠救梁不奉詔太

尉真將軍遂令千載下知人稱孝文哀哉潼關戰百萬徒紛

紜

平居觀羣物紛紛爭朶頤口舌不能勝兵戈遂相隨古來豪

傑士于今安所之大運一朝至孰分賢與魚所以四老人去



采商山芝清風扇六合百世真吾師

景公返雀歎晏子稱其仁鰥寡既有室長年不負薪焉知子

玉節遺禍逮天倫推恩限日見太息此君臣

田橫不事漢刎頸送咸陽二客既穿冢島中皆自戕雖非中

庸道要亦有耿光英雄久淪沒世俗但炎涼嗟嗟翟廷尉慷

慨令人傷

吾聞共工臺乃在崑崙北長蛇戴九頭利吻錯戈戟呿呀恣

啖食抵厥成溪澤嗚呼三仞沮可以警貪得

四七續炎運漸臺殪狂新建侯首褒德拳拳念生民富春有

遺老終竟不爲臣遂令節義士視身若埃塵前車屢折軸後

駕無廻輪不有鋼黨禁何由起黃巾爲邦貴知本明主宜書

紳

建光悖祖德封爵逮關豎忠良坐茶毒隕涕盈道路南巡旣

不返狡窟寧久固功成十九侯事已非細故况聞用骨鯁乃

以浮陽疏中官旣世襲山陽更嫡姪時事亦可知君子獨未

寤美哉吳長史衡門掩秋露

當途亂天紀赤帝懸空名寧知僻掾日禍機已潛萌晉主念

私勞苟馮巧相迎撫牀竟不寤骨肉成鯁鯁好還實天道狙

詐徒人情

香餌獲死魚重賞致死士自古以爲訓世俗寧知此陳湯困



刀筆壯夫皆切齒如何中興主終竟惑慧苴

隋帝易廣勇天命以不長唐宗昧治恪本支竟摧戕聖人有  
達節變通亦何常禹湯不同跡萬古皆明王

永嘉昔潰亂南渡馳五馬長江畫天塹九廟扇灰炮豈無運  
斃人亦有誓江者弩池不揚波靈物棲曠野哀哀黍離淚空

### 同新亭灑

華門翳蓬蒿窮巷絕馬跡中有抱膝人疏懶不充食榮華過  
浮埃敝服無慍色獻玉鄙卞和扣角羞甯戚天潢不垂雲中  
夜起歎息

吾愛閔仲叔幽居翳茆茨應辟思濟世利祿豈其私進當致

堯舜退則老蒿藜焉能大馬豢以爲天下嗤

美人皎如玉挾瑟升高堂泠泠向長風操作孤鳳凰曲渡未  
終竟玄雲蔽穹蒼走獸駭赴林飛鳥號且翔高山與流水日  
莫空淒涼

夫差臥薪日勾踐嘗膽時人庄各有志况乃身踐之寧知姑  
蘓鹿已與西施期空令千載下痛恨於鴟夷

### 游仙九首

日月如過翼瞬息春已秋何不學神仙縹緲凌虛游雷霆以  
爲輿虹蜺以爲輶清晨登閭風薄暮宿不周長嘯層城巔濯  
足翠水流俯視八極內擾擾飛蜉蝣



今日何不樂振策登高山深林仰無見藤蔓陰以繁  
樹啼黃鵠空飛翻攬轡向西北思欲赴崑崙瓊樓十二重豹  
虎夾陛闈青鳥去何之誰向王母言徘徊歲華晚感激生愁  
怨

岐陽隱孤鳳寰海騰蛟蛇不食松栢實而采日及花翩翩柱  
下史望望之流沙麻姑何爲者乃降蔡經家神龍集滂澤取  
笑於魚蝦

費生市井兒未嘗識神仙偶然壺中去謂是別有天幻化且  
不解真訣安能傳那將食色身妄弄刑賞權果然失符後衆  
鬼不見

天高河漢清露白秋宵永朝華炫紅芳蟋蟀弔馳景繁思靡  
志帥內疚積心梗涉江無方舟汲井悲短綆歲莫霜雪寒泣  
涕沾項領

秦皇煽虐燄烈烈燔九州平原曠如赭鴻鵠安所投所以避  
世士慨想乘桴浮樓船載偃子去作汗漫游何必蓬萊山遠  
人卽瀛洲虎視徒逐逐竟死於沙丘

娟娟姮娥女灼灼芙蓉姿一入月宮去千秋閉蛾眉涼風清  
玉除碧雲生桂枝鳳歌不可聽長夜有餘悲

晨登女牀山西北望崑崙樓臺似霄漢金碧氣魂素女三  
千人灼若扶桑燉鸞笙引鳳舞雲旒隨霓旛老童發清歌昌



容戲紫鷄神荼獻丹桃洪崖開玉尊蜚廉漫雀鬼建章空千  
門

大道久已晦誰能識仙真如何賣藥翁怪語驚市人日月空  
明照朝菌非大椿已矣復何道去去生愁辛

感遇六首

暑退生夕涼褰衣步微月風來竹陰動草暗螢光發佇立忽  
懷人江河渺難越

庭前金鳳花向晚爭媚嫵但見白露滋豈知繁霜苦芳時良  
可惜此物何足數

白露下木葉淒涼江海秋江皋有鳴鴈噉噉安所求稻梁日  
蕭索風雨徒離憂

一日復一夕一夕復一朝青燈向暗壁光燄坐自銷  
六翮絕意於雲霄

歲霜隕與草蛇虺去所依可惜蕙蘭花與之共頽萎願此悲  
世運泣然涕交頤

淒淒素秋霜苒苒高原草運窮相值遇黝顏就枯槁浩歎采  
薇歌慚愧商山老

招隱五首

浮景無根株逝川不可留昨日瑤草春今朝蓬梗秋鼎食豈  
不美醜毒潛戈矛華軒豈不貴長路能摧輶子胥棄吳江屈



原赴湘流韓彭竟趙醢蕭樊亦累囚何如張子房脫屣萬戶  
侯深韜黃石畧去從赤松游

秦皇火六籍黃綺之商山漢帝握乾符羊裘竟不還古來遯  
世士真心丘壑間於時苟無用安事空摧顏石泉清以芳白  
雲寒更閑春蔬雜甘辛秋果羅青殷濁酒晚自酌柴扉晝恒  
關嘯歌陟崇岡濯足臨潺湲金馬我何榮羊腸我何艱鴻鶴  
翔九霄邈然不可攀

豫章長干仍挺生崇崖陰布葉連青雲交柯蔽層岑結根豈  
不固斤斧將見尋有栢生石間屈曲叢灌林古根齧飛溜電  
火焚中心大不中梁柱小不堪瑟琴風霜自搖落偃蹇獨至

今

流水千百折白雲三四峰上有噴壑泉下有凌霜松中有一  
老人坐嘯巖間風素髮垂兩眉朱顏映青瞳年紀將百齡容  
貌如孩童長跪前致辭子非列仙翁笑謂汝孺子語汝使心  
通我生不偶俗遺身在蒿蓬結廬白水邊采藥青林中世語  
我不接世士我不逢簞瓢我不憂軒蓋我不崇自耕足我食  
自息安我躬冥冥絕思慮默默全和冲持此攝吾生仰荷元  
化功何必挿羽翰遠逐浮丘公再拜受斯言廓然如發蒙投  
簪謝知己一去無回蹤

有客款我廬身披紫雲袍鳴騶列前後從者皆俊髦坐我蓬



華下向我談伊臯手斡北斗魁足踏東海鼇高視六合內秦  
山等毫毛揮袂起謝客且還飲我膠醉臥不知曉衙門塞蓬  
蒿

雜詩四十一首

江籬生汀洲香氣何清婉欲采寄所思不憚道路遠疾風吹  
塵沙山澤蛟蛇混誰復惜芳菲空悲歲年晚

小魚頭如針大魚須如松小大各生育孰私天地功坤靈發  
濤怒溟海簸驚風大魚食小魚陂池爲之空陂空水亦竭小  
大相啗噉但見灌莽間顛骨成壑蠟殘膏飮螻蟻孰辨鯨與

鱣

僂婦厭貧夫常懷相棄心慨慕東家子年少多黃金輕身改  
西託布被爛錦衾寧憶秋風起霜露淒繁林葉落枝亦盡愁  
聞蜻蛚吟

雲月雖不明精魄固長在飛蛾亦何知乘時妬光彩天高多  
飄風烟霧中飄飄紛紛隨蒿棘終竟爲何罪

人生如浮雲飄搖無根蒂昨暮青山阿今朝滄海溼風波無  
定時淪躓難爲計是中苟不爽曷問耿與翳申胥存楚國仲  
連卻秦帝此士雖則亡英名千萬世

渴人常夢飲飢人常夢餐中霄羈旅夢兩臂生羽翰騰身入  
紫青吹面天風寒驚覺凜毛髮感我涕洟瀾



吾觀神龍變天地爲晦冥龍成宰元化嘉澤浹四溟出山不  
飄風入水無震霆枯萎仰沾漑沃若生葱青豈比蟻與螭裂  
石摧巘陁併民舉疾首抗神蹙眉顛

鷹本是鷲鳥爪利翮勁疾胡爲化爲鳩鈍拙無與匹棲遲荆  
棘間粒啄營口實暮啼墻角雨朝啼屋頭日昔爲衆鳥畏今  
爲衆鳥嗤運命苦不常孰爲金石質

愚公志移山精衛思填海山高海茫茫心事金石在松栢冒  
雪霜秀色終不改春陽照幽林卓立有光彩

急雨漲潢潦溝池成五湖可蛙與耿鼃得意鳴相呼自謂樂  
無似至足不求餘蓬萊有玄鶴曾見東海枯清夜唳長風哀

音繞天衢使我起太息黑髯變霜鬚

空庭生夕陰高閣畱返照歸鴉集紛紛棲雀鳴噉噉冥思觀  
羣物肆目展遐眺草樹蔚參差雲霞相輝耀慷慨商山心想  
像蘓門嘯大鵬搏扶搖斥鷃翫蓬藿悠悠共淪汨潰潰堪一  
笑

惟豺知祭獸獮亦知祭魚豺獮有報本人道當何如華堂飮  
玉食盜賊塞中塗那能不自媿而以耀庸愚吁嗟千載下枯  
骨空專車

雷藏蟄蟲伏雷動蟄蟲起蟲雷不相期冥契非人使英雄應  
有時何異羶致蟻神劍無風胡銅花蝕泥滓



詞意何文集  
種荷淥池中荷生葉猶紫掠萍逐蛙蝸恐畏傷荷蓋荷心有  
露珠的樂無泥滓荷根有藕絲纏綿誰得似

陰崖有喬樹乾鵲巢其顛朝食葉上露暮食葉下蟬巢成長  
衆雛鳴飛一何嫺但願本根固風雨得安眠如何就搖落而  
不抱悁悁

蒼蠅眼晝明蚊蟲眼夜明明眼利口觜晝夜無時停拍死紛  
籍籍飛來更營營一旦霜風起稜威肅天刑飛者不復飛鳴  
者不復鳴雖有太陽光不能煦其生乃知天勝人智力徒鬪  
爭

豺狼食人肉蚊蟲食人血食肉死須臾食血死不輟哀哀露

筋女肉盡惟皮骨誰謂蚊蟲微積鏽能銷鐵

蟲母羽蟲孽與人無怨尤胡爲含毒害吐蚊吼如牛紛紛散  
草澤解解森戈矛無辜受螫蠶皮破腥血流覆巢或有令未  
應後鷓鴣

黃鷹食鳥雀山雞食蟲豸蜂食花上蜜蝦食苔閭澤兔食茅  
草根鳳食梧桐子所嗜由性成易之則皆死冥觀付一笑誰  
與窮茲理

魯陽仰揮戈羲和爲紆轡耿恭俯拜井湧液出荒地精誠所  
感格高厚靡不至入生亦良難如何殄其類蓬蒿滿六合慚  
愧真宰意



詩意集  
在昔信陵君謙勞實弘度好士天下稀賓客遠傾慕救趙奪  
兵符掃清邯鄲霧歸來存大梁秦甲讐東顧魏王木偶人朽  
心自成蠹讒言一以入危石不可據日落西河陰歌鍾怨零  
露

天鷓巢蒿草形軀纖且微不知懷何事直上聞天扉啾啾終  
日鳴天聽不可希鍛羽口吻裂落日空悲啼

雉死爲從雌雛死爲鬪力蜜蜂死洩憤鳴鳩死求食象犀好  
齒角狨豹美毛色紛紛死相藉殺身奉華飾自取夫豈過外  
至良可惻徂獍合族烹梟鷲宜卵殪山林久穢蒼誰復繼禹  
益

天風觸萬竅小大皆有聲律呂與懸匏嘈嘈同一鳴人情有  
所鍾聲氣爲之使無知而強聒則亦懸匏耳

殊俗甘胸臆比之芻牛腴殷勤奉賓客自謂敬有餘鷓嚇雖  
異貫赤惑誰能祛霾陰蔽玄象清渭混汙渠誰能繼夏后再  
分龍與魚

大星出西方睽睽如明月兒童驚指示草木見毫髮夜久斗  
柄迴人靜涼風發徙倚步中庭空烟散成雪

楚人將適蜀揚帆信江水江闊多西風帆逸行不止日暮入  
海濤極日無涯涘鯨魚吹高浪舵折檣竿圯頓足空號呼烟  
波千萬里



冲霄難爲羽泛海難爲舟縛羊駕戎路猛志空悠悠農時失  
耕耨何以望有秋决藩盜救粟鷹隼不如鳩韶華不我與去  
若川水流歲莫獨彷徨凜凜懷百憂

爰居避風翔豈冀染牲祀臧孫強自用取笑於君子拾蠱養  
鳳凰將以爲觀美徒令顰翟長長逝深林裏

神仙不世出螻蛄笑蜉蝣嘉禾曠膏澤稊稗矜有秋驅馬將  
爲往荆棘滿崇丘玄陰結嚴冬芳意坐自道鴻鵠從何來哀  
鳴聲啾啾願欲適縣圃路阻迷所投况我孱懦成引領空憂  
愁

恒溫一老兵豈識捫蝨士擁衆臨上流竟作跋扈鬼符堅氏  
羗豎何能作天子耿耿視中原爲有景畧耳知人聖難之求  
賢在虛已袁曹豈力敵生死一彈指惆悵後來人慷慨前車  
軌

英英木槿花振振蜉蝣羽乘彼三秋露及此六月雨容好能  
幾時生成亦良苦十年構阿房一日化爲土染鬚作童顏於  
身竟何補不如順天命保己良多祐

天地若大甕萬物生其腹人猶腹中蟲蠢蠢隨化育鑽攻無  
時休臟腑爲翻覆帝青調元氣豈不畏戎毒嶮然命滌蕩汗  
下兼湧蚩蚩自狂獬涓沸交殺戮何當瞑眩定風止水歸  
瀆鑄鐵作鋤犁春耕待秋熟



謝靈運文集  
二儀播元氣晝夜靡停機有生卽有死化工亦何私彼狂牽  
所欲冥行失康遠無航思利涉發此百禍機賊人還自賊擾  
擾竟何爲

郭南有窮夫黃髮對老妻見人拘兒女仰面看天啼郭北有  
宕子鮮服明春閨累累倚門親疏茹乏鹽醢盛年異欣戚薄  
暮空噬臍達生貴知命胡爲苦悲悽咬咬水中鳧谷谷墻下  
雞良無返哺望乳抱何棲棲瞋目思此理惆悵中自逃

盜跖飫梁肉原思餒窮閭夷齊采薇蕨儀秦駟高車祥麟殪  
西狩尼父空嘆吁天道果福善彼蒼竟何如

老眼眯昏夜見螢以爲燈燈螢何足辨所悲老且嗚嗚老復  
何用甘心就無能逍遙麋鹿願所得良已弘

鬼神陰陽精變化無定迹如能禍福人豈向人求食而况天  
地心坦坦甚正直祭祀本人情將以牲與稷若歆豔在物馨  
香薦明德葛伯信不滅虞公亦何益前王有舊章敬之在無  
射

海鯨乘扶搖激水騰九旻退潮觸泥沙顛骨空嶙峋猛虎掉  
尾行飲血不滿唇跳哮逞雄攫係首八尺緝賦命雖在天成  
之亦由人嗟嗟燈上蛾亦豈厭其身

夷齊值明時餓死西山陽四老生亂世采芝以徜徉李業遇  
公孫欲葢反受殃嚴陵辭故人萬古清名揚性也寔有命君



子順其常漫漫雲間鳥冥冥隨風翔海宇豈不寬六翮有短  
長浩歌向日月曲盡意茫茫

感懷

昊天厭秦德瑞氣生芒碭入關封府庫約法唯三章英雄不  
世出智勇安可當叔孫一豎儒綿蕞興朝綱遂令漢禮樂遠  
媿周與商逝者如飄風盛時安得常寤寐增永歎感慨心內  
傷

四月陽用事羣物咸長榮靡草雖就死王瓜亦復生死生誰  
所致時至莫能爭聖人洞神理守分無外營修身俟天命萬  
古全其名

自都回至通州寄普達世理原理二首

且辭文明門回首望宮闕長雲擁蓬萊烟霧中滃鬱相去不  
崇朝杳若隔溟渤扁舟指吳雲離夢縈燕月雖懷歸鄉歡復  
愴知己別裁詩寄悠悠感念深至骨

西風吹青冥征鴻暮蕭蕭一辭都門去便覺京國遙輕霜入  
秋鬢落英馨寒條念我同年友高誼薄九霄恨我處還遠不  
得陪晨朝綿綿久要心萬里匪爲遼鱸魴赴清淵孔翠依蘭  
茗飛潛各有適分得無外微佇立望闔闔傾耳聆簫韶

晚年草平驛

落日照阡陌秔稻生清香好風自西來吹我征衣裳但惜景



物佳不覺道路長  
幽禽韻蒙叢馬足響  
康莊驛吏迎我前  
拜跪進酒漿要我入  
山館左右華鐙光  
解鞍待升月星明  
樹蒼

送僧家奴參政赴河東宣慰使

晨登晉陽山西北望雲中大漠造瀚海重關阻飛鴻昔爲征  
戍塲今見車軌同相公奉明詔分符總元戎賦詩聯行雲坐  
嘯生長風霜濃曙角清月出黃河空細草臥牧馬虎服韜弧  
弓天子萬歲壽垂拱明光宮

發安谿至青田戎事急不得畱有感

鷄鳴戒晨裝掛席日尚早風亂沙上雲雨昏江中島士生從  
王事薄質非所寶但懼筋力微任重躡遠道昔邁園柳青今  
來江楓老豺狼互滅沒憂虞何時了朝原思眷令夜船夢萱  
草寸步隔河山怒焉傷懷抱

天壽節同諸寓臣拜于寶林教寺禮畢登槃翠軒分韻  
得稽字

宿雨霽初節羣山綠如洗流霞絢琳宇旭日射丹檠鳴鍾趨  
梵宮焚香望天陛遙遙蜂蟻忱惓惓葵藿禮萬年主壽長百  
并臣首稽竣事陟華軒敦情屬芳醴大師祇園英聰明實神  
啓諸公俱俊髦文藻壓班禰蕭雍周簞籛古怪夏追蠡鹿鳴  
歌萃蒿魚麗詠魴鱧劍氣星有輝珠光海無底嘉會非尋常



今德更豈弟澄心映空曠滌慮俯青泚看竹風泠泠折花露  
泥泥紆徐睇溟瀛緬邈想淮濟巍巍世皇業喬嶽深根柢螳  
螂亢齊斧碎首堪立俟農郊卜甘歲已喜先抽薺層樓盼北  
極祥光應周髀中山致麴蘖東吳來秣米宴醑定有期玉缸  
浮盞醞

題蘭花圖

亭亭石上竹嫋嫋竹下蘭歲晚各自媚不知霜露寒欲持贈  
君子路永江海寬空山日搖落佇立起長歎

正月一日公宴分韻得恩字

青陽肇嘉歲白日開春溫起視天宇間粲然生意存高堂建  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音  
一室元面朝至尊彤雲狀扶桑餘風吹我幡鳴絃在兩櫺音

天師誠意伯劉文成公集卷之十二終



國朝文獻通考



